

广东通志

广东通志

廣東通志卷二百三十七

甲子重刊

宦績錄七 宋二

周渭

歐陽載

蕭世京

彭漢老

以上轉
運副使

孫載

黃洵

劉克莊

敖陶孫

洪天錫

以上轉
運判官

賈黃中

李崇矩

秦義

趙振

陳堯叟

謝德權

李允則

趙滋

張忠

蔣偕

蕭注

郝亶

蘇緘

趙士崕

楊思溫

毛炳

陳韡

趙汝暨

何侑

以上團練防禦各使

袁杭

周湛

盧革

祖無擇

周敦頤

林積

陳中復

陳孝則

郭孝友

方信孺

楊萬里

詹儀之

管鑑

廖德明

楊大異

何坦湯露

吳與

鄒非熊

余炎

陳光祖

芮華

陳均以上提點刑獄

孫磬

李綸

韓璧

劉燭

趙逢龍

以上提舉常平

楊克讓

蕭汝諧

任中師

李鞞

陳頴以上提舉市舶

章元振

韓謹以上提學

宋

周渭字得臣昭州恭城人建隆初進士解褐白馬主簿太平興國二年爲廣南諸州轉運副使奏去劉鋹時稅算之繁者重定田賦興學校遷殿中丞屬有事交趾主將逗撓無功有二敗卒擐甲先至邕州市奪民錢渭捕斬之後至者悉令解甲以入訖無敢犯移書交趾諭朝廷威信將刻日再舉黎桓懼卽遣使人貢就加監察御史在嶺南凡六年

徙知揚州歷益州轉運使

宋史本傳

歐陽載字則之廬陵人脩仲父也淳化進士乙科真宗嘗日自擇御史載以秘書丞召見見者數人

皆自薦載獨立墀下無所說明日拜監察御史中丞王嗣宗指曰是獨立墀下者真御史也遷殿中侍御史出知泗州轉尙書司封員外郎三司戶部判官六年爲廣南東路轉運使秩滿以一敝舟還無一海上物以足疾求知江州卒

廬陵縣志

蕭世京字昌孺龍泉人嘉祐中進士爲廣東路提舉常平公事能撙節出入改轉運副使益著清譽蔡京爲相奏舉十事京銜之罷歸後擢吏部員外

郎

黃志

彭漢老字季皓合季子紹興末蔭將仕郎歷沅州司理參軍知常德府兼提舉澧辰沅靖州兵馬盜

賊公事封廬陵縣開國男食邑三百戶轉朝請大

夫豪民劉庚被劫指悍僕喉黨爲之獄官拷掠誣

服漢老覆鞫旋得正盜歲饑急發廩賑濟轉廣東

轉運判官

謹案黃志職官表列入副使而判官無其名

風裁凜然至德

慶府引疾除直秘閣致仕

廬陵縣志

孫載字積中崑山人登進士熙甯中知德清縣賑

飢弭盜以績最神宗以載姓名付中書除廣東常

平觸暑行部以宣德意元祐初通判陝州遷廣東

轉運判官牘無滯人頌其廉能政暇卽遊羅浮訪

古賦詩遷朝請大夫致仕一日徧謁先隴及嘗往

來者未幾疾革問日早晏盥手焚香而逝年七十

二載天資樂易長于吏治好汲引士類受薦者至四百餘人後多知名少喜讀書著釋解五十卷文

集若干卷

黃志

黃洧字清臣甌甯人以父蔭除知南雄州郡小用度不饒舊常法外重價以取資且權酒酤增稅柵民告病矣而官用猶不足洧至一切罷之人以便安而嘗乏事也州故與建饒贛州代輸坑冶司歲貢白金各若干兩故事皆取于民以辦公請以郡大小爲差詔悉蠲之郡人賴焉乾道四年改廣南東路提舉市舶帥守市賈胡香不償直洧舉法移州帥愧且懼亟召歸之更爲轉運判官廣學租禮

名士益勸諸生以學番禺令近在帥守諸司治所
肆意爲姦無按舉者洧素聞之至是誨厲之不能
改乃捕其吏屬劾之反而獄具奏上閱實抵罪以
去其餘不循法度以病民者隨罪大小以次繩治
於是一路肅然官吏始知有法守矣市人困於官
估丐奪之擾洧爲移書一路罷官除市籍百貫得
職物價爲平復上奏請均其法于諸路詔施行之
丁籍久失開收口賦之逋均及鄰伍流亡日衆洧
選吏分行覈其實而除之一路所蠲凡十有五萬
口流冗浸復瀕海蛋戶數萬生理至微亦有役于
州縣洧悉免之按行所部雖烟瘴荒遠無所憚訪

問疾苦伸理冤抑不可勝計革外銓匿闕徇私之
弊人無怨言江浙歲飢有旨發二廣義倉米航海
詣永嘉往時常有此役吏並緣以擾民而米不時
達洧處之有方且并西道所發轉致之不越月而
至永嘉者八萬斛永嘉人焚香迎拜步下曰此廣
東運使活我也史正治爲發運使專以括取諸道
羨錢爲已功諸道承風聽命不暇洧曰嶺外貧薄
安得視它路財予緡錢千數正治怒欲陷洧爲人
告者乃已改使荆湖南路積官朝散郎卒朱熹銘

其墓云

粵大記

劉克莊字潛夫興化莆田人祖夙知溫州父彌正

吏部侍郎克莊通古今熟典故最爲真德秀所知
理宗朝領史職兼兩制論建多綱常國體君身之
大者嘗爲廣東提刑仰慕崔清獻公與之表章遺
文祭奠祠墓歎曰公之完名高節百世師也官至
工部尙書加龍圖閣學士致仕卒謚文定有後村

集行世

黃志

敖陶孫字器之福清人少倜儻有大志爲文章援
筆立就弱冠鄉薦遂補人太學韓侂冑逐朱熹陶
孫首以詩送之趙汝愚謫死陶孫哀之以文又揭
詩於通衢云九原若遇韓忠獻休說渠家末世孫
侂冑誅死陶孫登進士第爲廣東運判詳讞明允

終溫陵僉判有臞庵集

粵大記

洪天錫字君疇泉州晉江人寶慶二年進士授廣州司法長史盛氣待屬僚天錫糾正爲多丁內艱免喪調潮州司理勢家奪民田天錫言於守還之帥方大琮辟真州判官畱寘幕府改秩知古田縣調通判建甯府大水擅發常平倉振之擢諸司糧料院拜監察御史兼說書累疏言天下之患疏上至六七最後請還御史印謂人君當爲後人除害不當畱患以遺後人今朝廷輕給舍臺諫輕百司庶府而北司獨重倉卒之際臣實懼焉言雖不果行然終宋世而閹人不能竊美主威者皆天錫之

力也而天錫亦自是去朝廷矣改大理少卿遷太常皆不拜改廣東提點刑獄五辭明年起知潭州久之始至官戢盜賊尊先賢踰年大治直寶謨閣遷廣東轉運判官決疑獄劾貪吏治財賦皆有法

宋史

本傳

賈黃中字媯民滄州南皮人唐相耽四世孫父玘字仲寶晉天福三年進士解褐宋初爲刑部郎中終水部員外郎知浚儀縣年七十卒玘嚴毅善教子士大夫子弟來謁必諄諄誨誘之初通判鎮州葬鄉黨羣從之未葬者十五喪孤貧不自給者咸教育而婚嫁之黃中幼聰悟方五歲玘每旦令正

稱旨

宋史本傳

五言古詩

寬續錄七

E

直數百萬悉分給之衆乃感慨黎賊擾動崇矩悉
抵其峒穴撫慰以已財遺其苗長衆皆懷附代還
拜右千衛上將軍雍熙三年命代宋渥判右金吾
衛仗兼六軍司事端拱元年卒年六十五贈太尉
諡元靖在嶺海四五年恬不以炎荒嬰慮舊涉海
多艤舟俟便風或旬餘或彌月崇矩往來皆一日
而渡未嘗畱滯士卒僮僕隨在皆無恙子繼昌仕

拜連州刺史出知涇州祥符二年卒

黃志

秦義字致堯江甯人世在江左李煜之歸朝也遣
義詣闕上符印太祖召見悅其趨對詳謹補殿直
令督廣濟漕船太平興國中以積勞改西頭供奉

官決獄于淮南諸州漚化中爲江淮制置擢授閤
門祇候兼制置礬稅景德初遷供備庫使知江陵
府坐舉官不如狀削秩大中祥符初起授供備庫
副使宿州監軍稍遷東染院副使明年廣州言澄
海兵常捕宜賊頗希恩桀驚軍中不能制部送闕
下上以遠方大鎮宜得材幹之臣鎮撫之宰相歷
言數人皆不稱旨上曰秦義可當此任復授供備
庫使充廣州鈐轄歷東染院使知蘇州又知泉州
天禧四年卒義知書好爲詩喜賓客頗有士風歷
財貨之任凡十五年積勤練習號爲稱職

宋史本傳

趙振字仲威雄州歸信人景德中從石普于順安